



Rabu, 03 Juni 2023
Ogen: Esekiel 11:19



Perukuren Si Mbaru



Jadilah kam sekalak "petualang" la sekedar "turis" si gawah-gawah. Kai bedana "petualang" ras "turis"? Sabap genduari semal istilah *traveler/petualang*. Kepeken amin gia tempa seri istilah enda nuriken kerna kalak si ngelokoken perdalinen tapi lit nuansa si la seri arah duana kata enda. Kalak turis biasana ia gawah-gawah kuingan si enggo terkenal ras ngarapken fasilitas si nyaman. Tapi adi petualang biasana ia la make jasa *guide* ras biasana ndarami ras ndalani ingan si mbaru si langa pernah iberitaken kalak kerna si e. Adi turis menikmati ulih pengalamen kalak si enggo pernah ku je, tapi sekalak petualang erbahan pengalamen pribadina jine. E maka lit sada kuan-kuan **pengalaman adalah guru yang paling berharga**, sabap arah pengalamenta banci mbuka wawasan, pemeteha jine bage pe mbuka pusuh perukurenta ku si mehuli.

Pusuh manusia rusuren ndarami kesenangan ras keriahen. Tapi reh dauhna kita erdalan i bas kesenangan doni enda reh la tangkasna pengidahta kerna kai kin si banci mabai kegeluhenta erguna ras lit ertina. E maka perlu kal nge kita rembak ras Tuhan e, gelah iberekenNa ukur si mbaru ras pusuh si mbaru. Situhuna i bas kitab Ezekiel enda, ate Dibata nuriken, maka Israel ibuang ku Babil gelah ulanai mersik ukurna, tapi alu mbue siidahna bas perdalanan ras sanga tading i kuta kalak idahna, Tuhan kap ngenca penggurun si tuhu-tuhu. Iajarina kita arah kesusahen bage pe arah kesenangan geluh. Arah litna kesusahen e dalanta meteruk ukur, gelah tetap ngasup kita ngatakan bujur man Tuhan. Kenca susah reh ka bereken Tuhan senang, si jadi tambar dengen ulih latihta. Ingetlah pasu-pasuNa la arah si meriah-riah saja, melala caraNa mere banta, saja bukalah pusuhta, alu perukuren si mbaru iadepenNa.



[The main body of the page is a large, blank white area with a wavy top edge, intended for writing.]